

ქ. თბილისი

11 ივლისი, 2017 წელი

შემსყიდველი: ს.ს.ი.პ. „საქართველოს ეროვნული ბანკი“, აღმასრულებელი დირექტორის გიორგი მელაშვილის სახით,

მისამართი: სანაპიროს ქ. 2, თბილისი 0114, საქართველო,

საიდენტიფიკაციო კოდი: 203 824 148

მიმწოდებელი: შპს „ჯეოსტილი“, დირექტორის კონსტანტინე მელაძის სახით,

მისამართი: ქ. თბილისი, ჯიქიას ქ. №5, ტელ: 593 31 37 38;

საიდენტიფიკაციო კოდი: 205 125 933;

საბანკო რეკვიზიტები: სს „თიბისი ბანკი“, კოდი: TBCBGE22, ანგარიშის №GE94TB1900036020100009/GEL.

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადება № SPA170008554) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს საოფისე ავეჯის (შემდგომში „საქონელი“) შესყიდვა, დანართი №1-ის და ხელშეკრულების პირობების შესაბამისად (CPV კოდი – 39100000, 39113100, 39121200, 39130000, 39132100).
- 1.2. დანართი №1 წარმოადგენს ხელშეკრულების განუყოფელ ნაწილს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს სეპ-ის შესყიდვების და ლოჯისტიკის დეპარტამენტის უფროსი და ლოჯისტიკის განყოფილების უფროსი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3. საქონლის მიღება ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ერთიანად ან ეტაპობრივად, ხელშეკრულების გაფორმებიდან, არაუგვიანეს 45 (ორმოცდახუთი) დღისა, შემდეგ მისამართებზე: თბილისი, სანაპიროს ქ. №2.
- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. მიწოდებული საქონლის საბოლოო შემოწმების ადგილია საქართველოს ეროვნული ბანკის სათაო ოფისი: თბილისი, სანაპიროს ქ. №2.

- 3.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.
- 3.6. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმოწერი პირია სეზ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს **42110.00 (ორმოცდაორი ათას ას ათი) ლარს** („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული საქონლის ღირებულების გადახდა ხორციელდება ლარში, უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2. ქვეპუნქტის შესაბამისად საქონლის მიღებიდან და მიმწოდებლის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდამოკიდებით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.
- 6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 6.4. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.
- 6.5. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.
- 6.6. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

- 6.7. იმ შემთხვევაში, თუ 7.2. პუნქტით გათვალისწინებული საჯარიმო სანქციების ჯამური ოდენობა შეადგენს ხელშეკრულების ფასის 1%-ს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 7.1. ან 7.3. პუნქტით გათვალისწინებული სანქციები.

7. გარანტია

- 7.1. მისაწოდებელი საქონლის საგარანტიო ვადები მოცემულია **დანართი №1-ში**.
7.2. საგარანტიო პერიოდში საქონლის მწყობრიდან გამოსვლის შემთხვევაში შემსყიდველი შეტყობინების სახით აცნობებს ამის შესახებ მიმწოდებელს, რის შემდეგაც მიმწოდებლის მხრიდან წუნდებული/დაზიანებული საქონლის შეცვლა/შეკეთება უნდა განხორციელდეს არაუგვიანეს 30 დღისა;

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
8.5. მხარე ვალდებულია 7.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება

ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

- 11.1. ხელშეკრულება ძალაში შედის ხელმოწერის დღიდან და მოქმედებს 2017 წლის 31 დეკემბრის ჩათვლით.

12. ზოგადი დებულებები


- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.3. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

გიორგი მელაშვილი

საქართველოს ეროვნული ბანკი
აღმასრულებელი დირექტორი



მიმწოდებლის მხრიდან:

კონსტანტინე მელაძე

შპს „ჯეოსტილი“
დირექტორი



№	საქონლის დასახელება, აღწერილობა და მოდელი (არსებობის შემთხვევაში)	მწარმოებელი კომპანია, წარმოშობის ქვეყანა	საგარანტიო ვადა	რაოდენობა (ცალი)	ფასი (ლარი)	
					ერთ.	საერთო
1	სამუშაო მაგიდა №1 - ზომებით - სიგრძე: 1620მმ, სიგანე: 800მმ, სიმაღლე: 740მმ, ლითონის დამოუკიდებელი მზიდი კონსტრუქცია ჰორიზონტალური და ვერტიკალური კაბელების არხების მიმაგრების შესაძლებლობით, თეთრი ფერის 18მმ-იანი ლამინატის სამუშაო ზედაპირით, 2მმ-იანი სისქის მეტალის რეგულირებადი შავი ფერის ამოზრუნებული (T)-სეზრი ორი ფეხით. მაგიდაზე მავრდება კომპიუტერის პროცესორის დამჭერი. სამუშაო მაგიდის ზედაპირზე იქნება 2 ცალი დაფარული ნახერები (კაბელების ამოსაყვანად). სამონტაჟო სქემა №1-ის შესაბამისად.	თურქეთი GOLDSIT	3 წელი	4	400	1600
1.1	მაგიდების გამყოფი ტიხარი №1 - ზომებით - სიგრძე: 1620მმ, სიგანე: 350მმ, სისქე: 20მმ, სინთეტიკური ანტისტატიკური, ნაცრისფერი ნაჭრით გადაკრული ლამინატი, ალუმინის ვერცხლის ფერის ჩარჩოთი, საოფისე აქსესუარების მისამაგრებელი და სამოძრაო ბილიკით.	თურქეთი GOLDSIT	3 წელი	4	350	1400
2	სამუშაო მაგიდა №2 - ზომებით - სიგრძე: 1400მმ, სიგანე: 800მმ, სიმაღლე: 740მმ, ლითონის დამოუკიდებელი მზიდი კონსტრუქცია ჰორიზონტალური და ვერტიკალური კაბელების არხების მიმაგრების შესაძლებლობით, თეთრი ფერის 18მმ-იანი ლამინატის სამუშაო ზედაპირით, 2მმ-იანი სისქის მეტალის რეგულირებადი შავი ფერის ამოზრუნებული (T)-სეზრი ორი ფეხით. მაგიდაზე მავრდება კომპიუტერის პროცესორის დამჭერი. სამუშაო მაგიდის ზედაპირზე იქნება 2 ცალი დაფარული ნახერები (კაბელების ამოსაყვანად). სამონტაჟო სქემა №1-ის შესაბამისად.	თურქეთი GOLDSIT	3 წელი	34	350	11900
2.2	მაგიდების გამყოფი ტიხარი №2 - ზომებით - სიგრძე: 1400მმ, სიგანე: 350მმ, სისქე: 22მმ, სინთეტიკური ანტისტატიკური, ნაცრისფერი ნაჭრით გადაკრული ლამინატი, ალუმინის ვერცხლის ფერის ჩარჩოთი, საოფისე აქსესუარების მისამაგრებელი და სამოძრაო ბილიკით.	თურქეთი GOLDSIT	3 წელი	17	300	5100
3	სამუშაო მაგიდა №3 - ზომები - სიგრძე: 1800მმ, სიგანე: 800მმ, სიმაღლე: 740მმ, ნაცრისფერი Ral 9022, ლათინური U ტიპის ფეხებით. თეთრი ფერის ლამინატის სამუშაო ზედაპირით, მასში ინტეგრირებული ჰორიზონტალური კაბელების არხით, ფეხების რექტიფიკაციის მექანიზმით.	თურქეთი GOLDSIT	3 წელი	3	450	1350
3.1	კარადა №1 - ლამინატის (MFC) 2 გამოსაღები კარით, თეთრი ფერის, ზომა - სიგანე: 800მმ, სიღრმე: 420მმ, სიმაღლე: 1200მმ, ფეხები რექტიფიკაციის მექანიზმით, საკეტი, რბილი დაკეცვის მექანიზმით.	თურქეთი GOLDSIT	3 წელი	3	250	750

3.2	ტუმბო №1 - საოფისე მოძრავი (გორგოლაკებზე) 3 ცალი სტანდარტული უჯრით, ტელესკოპური გაღების ფუნქციით, ცენტრალური საკეტით და 2 ცალი გასაღებით, დამზადებული ლამინატისგან, ფერი - თეთრი, ზომა - სიგანე: 440მმ, სიღრმე: 580მმ, სიმაღლე: 550მმ. ტუმბოს ზედა უჯრას ექნება საკანცელარიო ნივთების გამანაწილებელი გამოსაწევი უჯრა.	თურქეთი GOLDSIT	3 წელი	3	220	660
3.3	კარადა №2 - თეთრი ფერის ლამინატის (MFC), მაგიდის გვერდით დასაღვამი, მობილური, გორგოლაკებიანი, ზომა - სიგანე: 1400მმ, სიღრმე: 500მმ, სიმაღლე: 650მმ.	თურქეთი GOLDSIT	3 წელი	3	400	1200
4	ტუმბო №2 - თეთრი ფერის ლამინატის (MFC) მობილური გორგოლაკებიანი - 3 სტანდარტული უჯრით, ცენტრალური საკეტით, უჯრები გაიღება ტელესკოპიურად, ზომა - სიგანე: 400მმ, სიღრმე: 550მმ, სიმაღლე: 620მმ.	თურქეთი GOLDSIT	3 წელი	33	220	7260
5	სავარძელი - გორგოლაკიანი, თავის საყრდენის გარეშე. სავარძლის ბაზა დამზადებული იქნება შეღებილი მეტალოსაგან, 5 გორგოლაკზე. სავარძელს ექნება სინქრონულად რეგულირებადი მექანიზმი და სიმაღლეში რეგულირებადი სახელოური. დასაჯდომი გადაკრული მაღალი ხარისხის შავი ნაჭრით, ხოლო საზურგე - შავი ზადე.	თურქეთი GOLDSIT	3 წელი	33	330	10890
სულ:						42110.00

შენიშვნა: მიმწოდებელი პასუხისმგებელია ავეჯის ადგილზე მიწოდებაზე, მის აწყობასა და მონტაჟზე.

შემსყიდველის მხრიდან:

გიორგი მელაშვილი


საქართველოს ეროვნული ბანკი
აღმასრულებელი დირექტორი

მიმწოდებლის მხრიდან:

კონსტანტინე მელაძე

შპს „ჯეოსტილი“
დირექტორი

ბ.ა.



[Handwritten signature]


[Handwritten signature]

[Handwritten signature]

[Handwritten signature]

[Handwritten signature]


სამონტაჟო სქემა



შემსყიდველის მხრიდან:

გიორგი მელაშვილი

საქართველოს ეროვნული ბანკი
აღმასრულებელი დირექტორი



მიმწოდებლის მხრიდან:

კონსტანტინე მელაძე

შპს „ჯეოსტილი“
დირექტორი



[Handwritten signature]

[Handwritten signature]

[Handwritten signature]

ხელწერილი ინტერესთა კონფლიქტის არარსებობის შესახებ

ქ. თბილისი

11 ივლისი, 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, მე, ბექა ბარბაქაძე ხელის მოწერით ვადასტურებ, რომ სსიპ საქართველოს ეროვნული ბანკის მიერ საოფისე ავეჯის შესყიდვის მიზნით 2017 წლის 21 ივნისს გამოცხადებულ SPA170008554 გამარტივებულ ელექტრონულ ტენდერში მონაწილე პრეტენდენტ შპს „ჯეოსტილის“ მიმართებაში, არ გამაჩნია ინტერესთა კონფლიქტი.

ბექა ბარბაქაძე



შესყიდვების და ლოჯისტიკის დეპარტამენტი
ლოჯისტიკის განყოფილების უფროსი